


14 ЯНВАРЬ — ВАТАН ҲИМОЯЧИЛАРИ КУНИ



2 Уйғуробод ҳунармандлари



4 Дабдаба мартаба келтирмайди



8 ...Қоидани бузганларга жарима солинса




Жозе Моуринью — жаҳонда тенгсиз мураббийми?



*Шунчаки сўз эмас Ватан каломи,
У билан барҳаёт миллатнинг номи,
У билан собитдир инсон имони,*

*Юрт дея ёнганлар ҳақназар бўлсин,
Ватан мардларига шарафлар бўлсин!*



Ушбу сонда:

Кимларга пенсия бериш тўхтатилади?	2
Қатъиятли йигитнинг аскар аёли	3
Болалар ҳам мулкдор бўлиши мумкин	5
Сўнги пушаймон икки карра душмандир	6
Кишига жуфт керак доим	7
Уй сотиб олиш қанчага тушади?	8

Ўзбекистон Хотин-қизлар кўмитасида

ҲУҚУҚИЙ ТАРҒИБОТ

Бошқарув йиғилиши бўлиб ўтди

Юртбошимиз раҳнамолигида мамлакатимиз микёсида барча соҳаларда олиб борилаётган илчил ислохотларнинг самарали кечаётгани, аҳоли турмуш фаровонлигининг йил сайин ошиб бораётгани, одамлар қалбида истиқлол ғояларига бўлган ишончнинг мустаҳкамланаётгани ва бошқа қатор ибратли омилилар эртанги кунимизнинг янада нурли эканидан далолат беради. Шу маънода Ўзбекистон Хотин-қизлар кўмитаси ҳам юртимизда энг йирик жамоат ташкилоти сифатида халқимиз орасида ўзига хос нуфузга эга бўлиб бормоқда.

Яқинда Ўзбекистон Хотин-қизлар кўмитаси томонидан ўтказилган Бошқарув ҳайъати йиғилишида бевосита Президентимиз томонидан 2004 йил 25 майда қабул

қилинган "Ўзбекистон Хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида"ги қарори ижросини таъминлаш бўйича жойларда олиб борилаётган амалий ишлар муҳокама этилди. Шунингдек, хотин-қизларнинг сиёсий-ижтимоий фаоллигини янада ошириш, аҳоли бандлигини, шу жумладан, аёлларни иш билан таъминлаш, уларнинг саломатликлари ҳамда ҳақ-ҳуқуқларини ҳимоя қилиш, маҳалла ва кенг аҳоли ўртасида маънавий-маърифий ишларни кучайтириш сингари долзарб масалалар юзасидан вилоят ва туманларда амалга оширилган чора-тадбирлар хусусида ахборотлар берилди ва йўл қўйилган камчиликлар, муаммолар атрофича таҳлил этилди.

Энг асосийси, Президентимиз ташаббуси билан 2011 йилнинг "Кичик бизнес ва хусусий тадбиркорлик йили" деб эълон қилинганлиги биринчи навбатда мамлакатимиз хотин-қизларига ҳам кенг ва қулай имкониятлар яратиб бериши алоҳида таъкидлаб ўтилди. Айниқса, республика Мехнат ва аҳолини ижтимоий муҳофаза қилиш вазирлиги томонидан қишлоқ ҳудудларида Бандлик дастури ижросини таъминлаш бўйича амалга оширилаётган ишлар ва галдаги вазифалар тўғрисида ҳам таҳлилий маълумотлар айтиб ўтилганлиги йиғилиш иштирокчиларида катта таассурот қолдирди.

Бошқарув йиғилишида ҳайъат аъзолари, тегишли вазирлик мутасаддилари, вилоят ҳокимлари ўринбосарлари — хотин-қизлар кўмиталари раислари қатнашди.

Бошқарув йиғилишини Ўзбекистон Республикаси Бош вазирининг ўринбосари, хотин-қизлар кўмитаси раиси Фарида Акбарова олиб борди.

Ўз мухбиримиз.

Интилиш кучаймоқда

Тошкент вилоят адлия бошқармаси Бекобод туманида аҳолининг ҳуқуқий онгини ошириш, ҳуқуқатимиз томонидан олиб борилаётган ислохотлар мазмун-моҳиятини халқимизга етказиш мақсадида бир неча учрашувлар ўтказди.



Ҳар бир тадбирда жорий йилнинг "Кичик бизнес ва хусусий тадбиркорлик йили" деб эълон қилинганлиги, иқтисодиётимиз таянчи бўлмиш соҳа вакилларига яратилган имкониятлар ҳақида алоҳида таъкидлаб ўтилди. Туман ҳокимлиги берган маълумотларга кўра, бугунги кунда Бекобод туманида 300 га яқин тадбиркор фаолият юритмоқда. Айни пайтда туман ҳокимлиги уларни чора-тадбирлар қўллаб-қувватлаш бўйича чора-тадбирлар ишлаб чиққан. Айниқса, тадбиркорлар эндиликда асосий эътиборини ишлаб чиқаришга қаратаётгани қувонарлидир. Масалан, "Bekobod mobile servis" кичик корхонаси янги йилдан чиқиндиларни қайта ишлашни йўлга қўймоқда. "Зафар далварзин" фермер ҳўжалиги қошида эса полиз маҳсулотларини қadoқлаш кичик корхонаси ташкил қилинди.

Туманда тиббиёт бирлашмаси, хотин қизлар кўмитаси, прокуратура, суд, ИИБ ходимлари билан ҳамкорликда маҳалла ва таълим муассасаларида ўтказилган тадбирлар ҳам кўпчиликда катта таассурот қолдирди.

Тожиддин УТЕНБЕРГАНОВ

Тошкент вилояти адлия бошқармасининг ҳуқуқий ва маърифий тарғибот бўлими етакчи маслаҳатчиси, Барно КАРИМОВА, Ангрен шаҳар 4-сонли давлат нотариал идораси нотариуси.

Ўзбекистон Журналистлари ижодий уюшмасининг

"Йилнинг энг фаол журналисти – 2010" танловига марҳамат!

Хурматли ҳамкасблар!

Ҳаётимиз китобидан яна бир саҳифа ортада қолди. 2010 йил эл-юртимиз, Ватанимиз учун ҳар жиҳатдан мазмунли, баракали ва омадли бўлди. Юртимизда демократик ислохотларни чуқурлаштириш ва фуқаролик жамиятини ривожлантириш йўлида улкан бунёдкорлик ишлари амалга оширилмоқда. Мамлакатни янгиллаш, иқтисодиётни модернизация қилиш, халқимизнинг турмуш фаровонлигини янада яхшилаш, инсон ҳуқуқлари ва эркинликларини таъминлаш борасида катта ютуқларга эришилди. "Баркамол авлод йили", Давлат дастури доирасида ёшларни жисмонан ва маънан соғлом, давр талабига мос интеллектуал билим ва касбга эга бўлган замонавий инсонлар бўлиб вояга етишларини таъминлашга қаратилган салмоқли ва хайрли ишлар қилинди.

Халқимизнинг эришаётган бу ютуқлари, олижаноб мақсад ва саъй-ҳаракатларини кенг ёритишда оммавий ахборот воситаларида фаолият кўрсатаётган сиз, журналистларнинг хизматларингиз катта.

Азиз ҳамкасблар, Ўзбекистон Журналистлари ижодий уюшмаси сизларни "Йилнинг энг фаол журналисти – 2010" танловига қатнашишга таклиф этади. Танловга 2010 йилнинг 1 июнидан 2011 йилнинг 1 июнигача газета ва журналларда, интернет нашрларида эълон қилинган материаллар, эфирга узатилган телекўрсатув ва радиоэшиттиришлар қабул қилинади.

Материаллар танловга тахририят тавсияси билан Ўзбекистон Журналистлари ижодий уюшмасининг Қорақалпоғистон Республикаси ва вилоятлар бўлимлари орқали жорий йилнинг 5 июнигача тақдим этилади.

Ижодий ишлар намуналари билан биргаликда муаллифнинг иш жойи, телефони, манзили ҳақидаги маълумотлар ва паспорт нусхаси илова қилиниши керак.

"Йилнинг энг фаол журналисти – 2010" танлови ғолиблари ва совриндорларига диплом ҳамда қимматбахо совғалар Матбуот ва оммавий ахборот воситалари ходимлари кўнига бағишлаб 27 июнда ўтказиладиган байрам тадбирида топширилади. Тақдирланганлар рўйхати матбуотда эълон қилинади.

Материаллар "Йилнинг энг фаол журналисти – 2010" танловига деб кўрсатилган ҳолда қуйидаги манзилга юборилиши лозим:

100129, Тошкент шаҳри,

Навий кўчаси, 30-уй.

Ўзбекистон Журналистлари ижодий уюшмаси

3-қavat, 30-, 35-, 37-хоналар

Телефонлар: 244-64-61; 244-64-62; 244-37-87.

E-mail: ijod@sarkor.uz

2011— КИЧИК БИЗНЕС ВА ХУСУСИЙ ТАДБИРКОРЛИК ЙИЛИ

Уйғуробод ҳунармандлари

Чуст дўппи, гўзал дўппи,
Шухрати ғазал дўппи.
Чеварлар санъатидан,
Хусни мукаммал дўппи...

Дарҳақиқат, чуствлик шоир Эрмат Нурматов ўзбек дўппиларини жуда ажойиб таърифлаган. Бошида дўппи кийиб, белбогини оппоқ ақтаги устидан боғлаб олган отахонларни кўрганда дилингиз қувончга тўлади.

Ана шундай бежирим, чиройли, миллат шухратини дунёга таратаётган дўппилар андижонлик Муниҳон ая қўлида сайқал топмоқда. Муниҳон Маматқуловани нафақат Уйғуробод маҳалласида, балки Андижон шаҳрида ҳам барча бирдек ҳурмат қилади. Бунинг боиси бор, албатта. Ёшлигидан чеварликка ихлоси баланд бўлган ва ишни дастлаб тиқиш-бичиш, попопчиликдан бошлаб, кейинчалик дўппи тиқишни ихтиёр этди. Айни пайтда Муниҳон ая оила аъзолари билан биргаликда бежирим дўппилар тиқиб, маҳсулотларининг харидорлигини таъминлаётган.

— Маҳаллаимизни ҳунармандлар маскани дейишлари бежиз эмас, — дейди маҳалла фуқаролар йиғини раисаси Матлубахон Усмоноваева. — 4700 нафар аҳоли истиқомат қиладиган ҳудудимизда Муниҳон ая ўзларининг ҳақиқий чеварчилик мактабларини яратган. Бугунги кунда ҳар бир оилада ҳунармандчиликнинг бирон-бир тури билан шугулланаётган ёшлар онахондан бу нозик касб сирларини ўрганишяпти.

Шуниси эътиборга лойиқки, аянинг

келини Раъноҳон Эргашева бошқа соҳа эгаси бўлиши билан бирга қайноасидан дўппи тиқиш сир-асрорларини мукаммал

имкониятлар эшигини очиб билан бирга уларни ҳар томонлама қўллаб-қувватлаш борасида ҳам ўзига хос муҳит яратиши шубҳасиз.

Бугунги кунда маҳалланинг ҳар бир аъзоси ҳунармандчилик ва тадбиркорлик билан шугулланаётганига ғувоҳ бўласиз. Масалан, Нодирбек Нурматовлар оиласи бир неча йилдирки, мебелсозлик билан шугулланиб, ёғочдан бежирим стол-стулар, ром ва эшиклар ясаб бозорни тўлдирмоқда. Сирожиддин Юсуповлар эса тунукасозлик билан банд бўлсалар, Каримжон Аҳмадалиевлар хонадони косибчилик, Одинахон Мирзаева оила аъзолари эса тўн тиқишнинг ҳадисини олишган. Хуллас, мазкур маҳалла ҳунармандларининг саъй-ҳаракатлари туфайли қанчалаб оилаларнинг иқтисодий фаровонлиги йил сайин ортиб бормоқда.

Шавкат СУЛТОНОВ,
"Оила ва жамият" мухбири.
Андижон вилояти.



Муниҳон ая Маматқулова ўз қўллари билан тайёрлаган дўппиларни намоийш қилмоқда.

ўрганиб олиб, турдош касб эгаси бўлди. Эндиликда Маматқуловлар оиласида тикилаётган Чуст дўпписи, тожик нусха дўппилар чиройлилиги, сифатлиги билан харидорлар томонидан юқори баҳоланаяпти.

Президентимиз ташаббуси билан 2011 йилни "Кичик бизнес ва хусусий тадбиркорлик йили" деб эълон қилинган ҳунармандлар учун ҳам янада кенг

Пенсия тўхтатилиши мумкинми?

Пенсия пулининг берилиши қандай ҳолатларда тўхтатилиши мумкин?

Комила Фахридинова,
Бухоро вилояти

Ўзбекистон Республикасининг "Фуқароларнинг давлат таъминоти тўғрисида"ги қонунининг 9-боб 56-моддасига асосан, тўлиқ давлат таъминотига олинган болаларга боқувчисини йўқотганлик пенсияси тўловдан тўхтатилиб, чин етим болаларга 100 фоиз, ота-онасининг биридан ажралганлар учун энг кам ойлик иш ҳақинининг 50 фоизи миқдорида пенсия тўланади.

Қонуннинг 9-боб 58-моддасига асосан меҳнатга қобилиятсиз оила аъзолари учун боқувчисини йўқотганлик пенсиясини олаётган пенсионер оиланинг пенсия тўланаётган аъзолари таркибидagi ўзгариш бўлганда, уларнинг ўқиш тўхтатганлигига, шунингдек, тўлиқ давлат таъминотига ўтганда, пенсионер ишга кирганда, ногиронлик мuddати тугаганда пенсия тўловдан тўхтатилади.

Қонуннинг 62-63-64 моддаларига асосан пенсионер озадликдан маҳрум этилганда, вафот этганда, бошқа ҳудудга кўчиб кетаётганда пенсия тўловдан тўхтатилади.

Саволга Республика Аҳоли бандлиги ва меҳнатни муҳофаза қилиш ва аҳолини ижтимоий муҳофаза қилиш илмий маркази директор ўринбосари Ҳайдар ТОШМУРОДОВ жавоб берди.


Маънавиятга таҳдид — келажакка таҳдид

Ҳозирги мураккаб даврда ҳар бир кун, ҳар бир лаҳза олдимишга янгидан-янги талабларни қўймоқда. Айниқса, глобаллашув жараёнида халқимиз маънавиятини асраш ва юксалтириш, ёшларимиз қалби ва онгини зарарли гоё ва мафқуралардан ҳимоя қилиш долзарб масалаларидан бири бўлиб турибди.

Аслида, бундай хатарларни энди кўраётганимиз йўқ, асрлар давомида неча-неча яғмолардан, маданий босқинлардан омон қолиб, яхлит бир халқ бўлиб яшаб келаямиз. Аммо бугунги хавфнинг кечагисидан фарқи шундаки, энди ташқи кучлар қўлида курул, яъни мажбурлаш воситаси билан эмас, ғайришуурий тарзда, ҳатто инсоннинг ўзига ҳам сезилмайдиган усуллар билан таъсир кўрсатишга интилаяпти.

Бугун биз озодмиз, ҳеч кимга мутелик жойимиз йўқ. Демак, миллий маънавиятимизни юксалтиришимиз ёки бой бериб қўйишимиз фақат ўзимизга боғлиқ. Бу борада энди бошқаларни айблаб олмаймиз, сусткашлигимиз, лоқайдлигимиздангина гина қилишимиз мумкин, холос. Шу боис мустақиллик йилларида миллий маънавиятимизни тиклаш, замон талаблари асосида ривожлантириш бўйича улкан ишлар амалга оширилаётир ва бу масала ҳеч қачон эътибор марказидан четда қолмаган. Тезкор давр барчамиз ва ҳар биримиздан маънан уйғоқликни талаб этмоқда. Хусусан, биз педагоглар зиммасига ҳам катта масъулият юкланаяпти.

Азал-азалдан халқимиз таълим-тарбия масаласини ўзаро узвий, бир-бирини тақозо этувчи, бирини бирисиз тасаввур этиб бўлмайдиган омиллар сифатида талқин этиб



келади. Ушбу шарқона қараш, айниқса, ҳозир янада улкан аҳамият касб этаётгани ҳаммамизга маълум. Жумладан, маънавий тарбия масаласи, ҳеч шубҳасиз, доимо ўта долзарб бўлиб келган.

Маънавиятга барча замонларда ҳам энг буюк бойлик дея қанчалар ҳаққоний таъриф берилган. Бизнинг халқимизникидек буюк бойлик эса ҳар қандай ганим кўзи-

Маънавият — инсонни руҳан поклашиш, қалбни улағайишга қорлайдиган, адолатлигички дунёси, иродасини бақувват, иймон-этиқодини бутун қиладиган, виждонини уйғотувчи куч, унинг барча қарашларининг мезонидир.

Ислом КАРИМОВ

ДОЛЗАРБ МАВЗУ

ни ўйнатиши, кўнглига гулгула солиши турган гап. Тажовузкор кучлар бир халқ ёки мамлакатни энгиш учун уни курул-сиэлантеришга, яъни тарихий илдиэлардан жудо этишга уриниши ҳеч биримизга сир эмас. Мана шундай ўқ илдиэларимиз — маънавий мерос, маданий бойликлар, кўҳна тарихий ёдгорликларсиз халқимиз маънавиятини тасаввур этиб бўлмайди. Айниқса, бу борада халқ оғзаки ижодининг беназир ўрин тутуши табиий. «Ал-поминиш», «Гўрўгли», «Кунтуғмиш» сингари достонларимизни эшитиб, кўнгли тўлган фарзандларимиз, ҳеч иккиланмай айтиш мумкинки, мафқуравий имунитетга эга бўлиб, ғайринсоний гоёлар таъсирига берилмайди. Балки буюк аждодларимизга муносиб авлод сифатида бемисл илмий-ижодий кашфиётлари билан жаҳон ахлини хайратга солиш анъанасини давом эттиради. Бинобарин, Юртбошимиз таъкидлаганидек, агар биз Ўзбекистонимизни дунёга тараннум этмоқчи, унинг қади-мий тарихи ва ёруғ келажagini улугламоқчи, уни авлодлар хотирасида боқий сақламоқчи бўлсак, авваламбор, буюк ёзувчиларни, буюк шоирларни, буюк ижодкорларни тарбиялашимиз керак. Кўйингки, барча соҳаларда ўз ишининг устаси бўлиш билан бирга, ўзларини англаган, маънан бой авлодни тарбиялаш олдимишда турган энг олий максадимиздир.

З. Ш. МАМАРАЙИМОВА,
Термиз санъат коллежи ўқитувчиси.

Дабдаба мартаба келтирадими?

... Наманган шаҳрини чекка туман билан боғловчи йўллардан бирини автохалокат рўй берди. Хайдовчи ва тўрт йўловчи оғир тан жароҳати олган. Энг оғир жабр кўрганлардан бири эндигина 18 баҳорни қаршилаган киз эди! Маълум бўлишича, ўша куннинг эртасига қизнинг тўйи бўлиши керак экан. У онасига йиғлаб, отасига кулоқ солмай, дугонаси билан шаҳарга тушиб, 400 минг сўм турадиган сўнгги русумдаги европача кўйлакни кийиб, қишлоқда энг гўзал келинчак бўлмоқни орзулаганди. Афсус, ўша оппоқ

мишларга ишонган-да), энди «ноғирон» келин керакмаслигини айтиб, белгиланган тўйни қолдирмаслигини эълон қилди. Ва сарфланган шунча сарф-харажатларга куйиб қолмаслик учун шу куннинг ўзидаёқ бошқа келин топишга ҳам улгурди. Бу хабарни эшитган келин тарафдагилар тўйхонага бостириб боришди. Хайриятки, ўртага оксоқол, кайвонилар тушиб, катта можорнинг олди олинди. Лекин икки тараф бир-бири билан

қилиб дейсизми? Ўн-ўн беш чоғли оғайниларнинг ҳар бирига тўй кунини сайрга чиқиш учун биттадан автомашинани ижарага олишлари шартлиги(!) айтилди. Яна денг, машиналар бир хил русум ва рангда бўлиши керак эмиш. Ҳалиги йигит топган уллов эгаси жуда хасис экан. Унга қатъий шарт қўйди: «Икки соат учун юз минг сўм берасан. Бундан ками йўқ». Охири иккиси савдолаша-савдолаша 75 минг сўмга келишишди. Аммо ўша

...Бир қишлоқда иккита тўй бўлди. Ҳар иккаласига келин туширишди. Уларнинг бири неча йиллардан бери узоқ ўлкаларда ишлаётган киши, иккинчиси эса фермер эди. Биринчисининг тўйи гоётада дабдабали ўтди: пойтахтдан фалон минг долларга машхур хонада қақирилди, юз яшиқлаб спиртли ичимликлар кўйилди, никоҳ маросимига эса эллика яқин «иномарка» машиналар турнақатор бўлиб тизилди... Хуллас, яқин онашларининг таъбирича, мусофирликда орттирган пулларини бир кунда сарфлаб тугатди. Энди кичик ховлида уч хўжалик тикилишиб яшайдиган бўлди. Ваҳолаки, беҳудага сарфланган шунча пулга бемалол битта уй сотиб олиш мумкин эди!

Бир ҳафтадан кейин ҳалиги фермер тўй қилди. Жуда ихчамгина ўтди. Келин-куёвлар ҳам олий маълумотли экан, икки тараф келишиб-кенгашиб, никоҳдан ўтиш учун атиги иккита машинада бориб келишди. Дўст-қадрдонлар даврасида ширингина базм бўлди. Ҳеч қандай ортиқча харажат, машмаша содир бўлмади. Элчилик-да, айрилар фермерни зикналликда айблади. «Тағида машина, ҳисобида миллион-миллион сўм пул, гектар-гектар ери бўла туриб, қисиниб-қимтиниб тўй қилди-я!» дейишди ажабланиб. Бирор ҳафтадан сўнг эса маҳаллада бошқа гаплар айланди: «Эшитдингизми, фермер марказдан ўғли ва келинига янги уй сотиб олган эмиш, қандини урсин...»

Шахло ТОШБЕКОВА,
«Оила ва жамият» муҳбири.
Наманган вилояти.

ТўЙЛАРИМИЗ — ЎЙЛАРИМИЗ



кўйлак орадан бир неча соат вақт ўтгач, кип-қизил қонга бўялиши тушига ҳам қирмаган.

Бир ёқда дабдабали тўйга қизнинг тайёргарлик кетаётганиди, иккинчи ёқда эса оғир аҳволда касалхонага келтирилган қизнинг бошида онаси бечора йиғлаб ўтирарди. Шифокорлар бўлгуси келиннинг бир ойча жиддий даволаниши кераклигини айтишгач, кимга мол, кимга жон қайғуси деганларидек, кувнинг отаси бу воқеани эшитган захоти тўйини тескари қилиб олиб (бир пасда тарқалган миш-

юз кўрмас бўлиб кетди. Уч ойдан сўнг бир неча соатгина кийиладиган келинлик либоси касридан жабр кўрган қиз шифохондан соғайиб чиқиб, туппа-тузук жойга келин бўлиб тушди. «Бургага аччиқ қилган» куёв эса орадан икки ой ўтар-ўтмас ажрашиб кетди...

... Бу воқеа эса ўтган йилнинг кузида рўй берганди: 19 ёшли йигит дўстининг тўйи арафасида ўғирликка қўл уриб, жиноят содир этди. Қандай



ТАМОЙИЛ — Бирор соҳада тартиб, қоида тусини олган нарса, тадрижий йўналиш маъносидаги «тамоийил» сўзининг туб илдиэи «тебраниш», «ўзгариб туриш», «ўзгарувчанлик», «мойиллик» маъналарини англатади.

ЧАПАНДОЗ — Шу номли доира усули жўрлигида ижро этиладиган мумтоз куй ва ашулалар. «Чапандози наво». «Чапандози ирок». «Чапандоз» сўзининг туб илдиэи «чап қўлда ўқ отувчи» деган маънони билдиради.

БИЙРОН — Тилимизда бурро-бурро гапирадиган, гапга чечан, сўзамол кишиларга нисбатан «бийрон» сўзи қўлланилади. Бу сўзнинг туб илдиэи «ўткир, кескир» деган маънони билдиради.

ЎЛАН сўзининг тилимизда икки хил маъноси бор. Биринчиси, «ўсиб турган ўт», «кўкат» мазмунини билдириб, унинг туб илдиэи «нами бор ўт» деганидир. Иккинчи маъноси эса тўй-томошаларда ижро этиладиган ашула ва кўшиқлар мазмунида келади.

Енгилигина эсган шамол димоққа турли ўлан исларини келтириб урар эди.

Абдулла Кодирий

Қалам қошли янгалар ўлан бошлар, ёр-ёр.

Кўшиқдан

ҚОПЛОН — Мушуксимонлар оиласига мансуб, териси хол-хол, йирик сўтэмизувчи йиртқич хайвон номининг туб маъноси ҳақида турли тахминлар мавжуд. Қадижда тилимиздаги «қоп» сўзи «тишла» деган мазмунни англатган. «Анг» сўзи эса «хайвон» деган маънони билдирган. Эҳтимол, «қоплон» «тишлайдиган хайвон» деганидир. Айрим манбаларда бу сўзнинг туб илдиэи «маҳкам ушла», «ўғринча бос» деган маъноларни англатади деб кўрсатилган.

ЖАҲЛ — Тилимизда аччиқлашиш, газабланиш маъносида қўлланиладиган бу сўзнинг туб илдиэи «нодонлик», «билимсизлик», «ақлсизлик» деган маъноларни билдирган.

Жаҳл — душман, ақл — дўст.

Мақол

Эшқобил ШУКУР
тайёрлади.

САВОЛ-ЖАВОБ

«DOCTOR — D» госпитали раҳбари Дилмурод Иргашев жавоб беради:

“Ҳозир ҳомилам саккиз ойликдан ошди. Шу пайтгача етти марта УЗДга тушдим. Бу туғилажак боланинг жинсий аъзоларига ёмон таъсир кўрсатмайдими?”

Севара, Жиззах вилояти”.

Ультратовушнинг оддий товушдан ҳеч қандай фарқи йўқ. УЗД Боланинг нафақат жинсий, балки бошқа аъзоларига ҳам мутлақо зарарли таъсир кўрсатмайди. Баъзан клиникамизда шундай ҳоллар ҳам бўладики, аёл бачадонида ҳомила пайдо бўлишдан аввал УЗД қилиш бошланади ва гумона пайдо бўлгандан кейин, ҳатто ҳар бир соатда уни текшириб туриш талаб этилади. Бунинг хавотирли жойи йўқ. Баъзан ҳомилаи текшираётган мутахассис аёл қорнига апаратни қаттиқроқ босиб, унга оғриқ бериб қўйиши ҳам мумкин. Бу техникавий хатолик ҳисобланади. Шунга қарамай, ультратовушнинг бола организмга таъсири ёмон деган фикр нотўғри, унинг зарари йўқ.

“Аёллар бутун умри давомида жинсий аъзоларидан ажралиб чикувчи оқ суюқлик (молочница) касаллигига барибир бир мартаба учрашлари табиий деган гап тўғрими? Ёки бу ҳолат бирор касаллик аломатими?”

Наргиза, Наманган вилояти.”

Аёл киши ўзида бирор ўзгариш сезса, дарҳол мутахассис кўригидан ўтиши лозим. Бунинг сабаблари кўп. Текширувсиз бирор нарса дейиш мушкул. Чунки, аёл қинининг ичида микрофлоралар ва дитерлент деб аталувчи шохчалар бўлиб, улар қинни ортиқча суюқликлардан тозалаб туради. Чиқаётган суюқлик ана шу ажралма бўлиши ҳам мумкин. Цикл алмашинуви ёки гормонларнинг бузилиши даврида, баъзан турли хил антибиотик дориларни истеъмол қилганда микрофлораларнинг баланси ўзгариши ҳисоби ҳам қўндан ана шундай оқ ажралмалар чиқиши мумкин. Аммо саратон хасталигининг илк аломатлари бўлиши ҳам тахминдан холи эмас. Шунинг учун ўзида бундай ҳолатни кузатган аёллар буни табиий нарса деб билмасдан мутахассисга дарҳол мурожаат этишлари керак.

Бу борада бизнинг «DOCTOR-D» ихтисослаштирилган клиникамида керакли муолажалар, тиббий ёрдамлар кўрсатилади (тел. +99871-113-00-57).

E-mail: hospital@doctord.uz **Хизматлар лицензияланган.**
URL: http://www.doctord.uz лицензия рақами № ПЮ-2876.

Хурматли муштарийлар! Ўзингизни қизиқтирган саволлар юзасидан (+99894)607-67-32 телефон рақамига мурожаат қилишингиз мумкин.

БОЛАЛАР МУЛҚДОР БЎЛИШИ МУМКИНИМИ?

Ўзбекистон Республикаси Конституциясида мулқдор бўлиш учун маълум бир ёш белгиланмаган. Демак, вояга етмаганлар ҳам хусусий мулк эгаси бўлиши мумкин. Вояга етмаган болалар қонунда белгиланган тартибда ҳада, мерос тариқасида олган ёки шахсий меҳнати ва тадбиркорлик фаолияти натижасида орттирган мол-мулк уларнинг хусусий мулки ҳисобланади.

Бундан ташқари, 16 ёшга тўлган, вояга етмаган болалар меҳнат шартномаси бўйича ишлаб ёки ота-онаси, фарзандликка олувчилар ёхуд ҳомийсининг розилигида тадбиркорлик фаолияти билан шуғулланиб, хусусий мулк орттириши мумкин. Шу сабабдан ота-оналар 14 ёшгача бўлган болаларининг хусусий мулкига эгаллик қилиш ва уни тасаввур этишга ҳақли бўлса, 14 ёшдан 18 ёшгача бўлган ўсмирларнинг хусусий мулкига эгаллик қилиш ёки тасаруф этишда қонуний вакил сифатида ўзларига берилган ҳуқуқ доирасидагина ҳаракат қилади.

Ота-оналар (уларнинг ўрнини босувчи шахслар) васийлик ва ҳомийлик органларидан руҳсат олмасдан туриб, шахсан болага тегишли мол-мулкни тасаруф этиш, сотиш, алмаштириш, ҳада қилиш, ижарага ёки текин фойдаланишга бериш, гаровга қўйиш бўйича битимлар тузиш ҳуқуқига, шунингдек, болага тегишли мол-мулкни ёки мулкнинг ҳуқуқини қабул қилишдан бош тортиш, унинг мулки миқдорини турли йўللار билан камайтириш ва шунга ўхшаш ҳаракатларни бажариш ҳуқуқига эга эмас. Васийлик ва ҳомийлик органларининг руҳсатсиз болага тегишли мол-мулкни бўлиш ёки ундан улушлар ажратишга ҳам йўл қўйилмайди.

Сайёра ШОМИРЗАЕВА,
Янгийўл тумани давлат нотариуси.

htb hi-tech bank

сизнинг раванқингиз рамзи

Ватанимиз мустақилликка эришгач, истиқлолнинг илк йилларидаёқ, эркин бозор иқтисодиёти қонуниятларига асосланган демократик жамият барпо этиш йўлини танлади. Ва ана шу ўтган давр мобайнида дунёнинг кўплаб давлатлари билан ҳар томонлама ва кенг қамровли ҳамкорликда изчил фаолият олиб борилиб, иқтисодиётни ислоҳ қилишда жиддий натижаларга эришилди. Албатта, бозор иқтисодиёти шароитида ислохотларни амалга оширишда ҳар бир давлатда банк тизимининг аҳамияти беқиёс бўлиб, улар давлат иқтисодий ривожланиши ва барқарорлигини таъминлашнинг энг муҳим бўғини ҳисобланади.

Жаҳонда кузатилаётган молиявий-иқтисодий инқироз шароитида мамлакатимиз банк-молия тизими фаолиятини мустаҳкамлаш ва янада такомиллаштириш, банкларнинг капитал ҳамда ресурс базасини кучайтирган ҳолда иқтисодиётнинг базавий тармоқлари корхоналарини, биринчи навбатда экспорт қилувчи корхоналарни қўллаб-қувватлаш, уларга молиявий кўмак бериш, ишлаб чиқариш ва ижтимоий инфратузилмани, яъни янги иш ўринларини ташкил этиш бугунги куннинг энг устувор вазифалари саналади.

Ўзбекистон Республикаси Марказий банкининг 2010 йил 9 январдаги қарорига мувофиқ «HI-TECH BANK» хусусий ёпиқ акциядорлик тижорат банки ўз фаолиятини бошлаб, ўтган йил давомида банкимиз томонидан бир қанча иқтисодиёт тармоқларига кредитлар ажратилиб, асосан маҳаллий маҳсулотларни ишлаб чиқарувчи корхоналар ҳамда тадбиркорлик субъектларига кредитлар ажратилди. Ушбу кредитларнинг асосий қисмини кичик бизнес ва хусусий тадбиркорлик субъектлари ташкил қилиб, бунда кўпроқ корхоналарнинг айланма маблағларини ошириш, уларни юқори техника ва технологиялар билан жиҳозлашга ҳамда кўчмас мулк харид қилиш мақсадларига сарфланди.

Ўтган йилда банк томонидан иқтисодиётнинг турли соҳаларига 19 097,1 млн.сўм миқдорига кредит маблағлари ажратилди. Шундан, қишлоқ хўжалик корхоналарига 1 655,7 млн.сўм, саноат корхоналарига 6 428,7 млн.сўм, моддий-техник таъминотга 678,6 млн.сўм, савдо ҳамда умумий овқатланиш корхоналарига 5 857,5 млн.сўм, қурилиш соҳасига 3 189,6 млн.сўм, транспорт корхоналарига 140,6 млн.сўм ва иқтисодиётнинг бошқа тармоқ корхоналарига 1 146,4 млн.сўм кредит маблағлари ажратилди.

Ўзбекистон Республикаси Президен-

тининг 2009 йил 26 январда қабул қилинган “Озиқ-овқат товарлари ишлаб чиқаришни кенгайтириш ва ички бозорни тўлдиришга доир қўшимча чора-тадбирлари тўғрисида”ги ижросини таъминлаш учун 655.7 млн. сўм, шунингдек, «Мамлакатимизда ноозиқ-овқат истеъмол товарлари ишлаб чиқаришни кенгайтиришни ривожлантиришга доир қўшимча чора-тадбирлар тўғрисида»ги қарорида кўзда тутилган мақсадларни амалга ошириш учун 3 873.0 млн. сўм маблағ «HI-TECH BANK» томонидан ажратиб берилди.

Яна бир муҳим жиҳат хусусида ҳам тўхталмоқ жоиз. Президентимизнинг 2009 йил 28 июлдаги “Тижорат банкларининг инвестиция лойиҳаларни молиялаштиришга йўналтириладиган муддатли кредитлари улushiни кўпайтиришни рағбатлантириш борасидаги қўшимча чора-тадбирлари тўғрисида”ги қарорига асосан «HI-TECH BANK» томонидан 6 101 млн. сўм инвестиция кредитлари ва лизинглари учун ажратилиб, 51 та янги иш ўринлари яратилганини алоҳида таъкидлашни истардик.

Бундан ташқари, банк томонидан кичик бизнес ва хусусий тадбиркорлик масалалари бўйича мунтазам равишда ишлайдиган “Call centre” ташкил этилган.

Янги — 2011 йилни Юртбошимиз томонидан “Кичик бизнес ва хусусий тадбиркорлик йили” деб эълон қилиниши банкимиз жамоасини ҳам янада руҳлантириб юборди. “HI-TECH BANK” келгусида иқтисодиётнинг реал секторига кредитлар ажратишни кенгайтириш, кичик бизнес ва хусусий тадбиркорликни ҳар томонлама қўллаб-қувватлашни янада кучайтириш юзасидан қатор режаларни белгилаб олган.

Тўлқин СОДИҚОВ,
“HI-TECH BANK”нинг
маркетинг бўлими бошлиғи

«ЎКТАМХОН-НУР» ЎҚУВ МАРКАЗИ

қуйидаги ўқув курсларга тақлиф этади:

- Тикувчилик — 3 ой, бошловчилар — 6 ой.
- Тўй ва оқшом либослари — 1-2 ой.
- Аёллар костюм-шиши, плаш-пальто — 1-2 ой.
- Ҳамшира — 6 ой, 4 ойи ўқиш.
- Ҳамшира (тезкор) — 3 ой.
- Тиббий массаж — 2 ой. Нуқтали — 1 ой.
- Торт ва пишириқлар — 2 ой.
- Пишириқлар олий курси — 1 ой.
- Уйғурча таомлар ва салатлар — 1 ой.
- Аёллар сартарошлиғи — 3 ой.
- Педикюр, маникюр — 1 ой.
- Сартарошлик — 3 ой.

- Тўй ва оқшом турмақлари ва махияж — 1 ой.
- Бухгалтерия ҳисоби — 3 ой.
- Элита парда ва чойшаблар тикиш олий курси — 1 ой.
- Сартарошлик — 2-3 ой (ўғил болалар учун).
- Қашгачилик — 3 ой (машинкада вышивка).
- Тикувчилик — 2 ой.
- Инглиз тили — 3 ой, бошловчилар — 6 ой.
- Рус тили — 3 ой, бошловчилар — 6 ой.
- Компьютер сабоқлари — 2 ой.
- Сунъий гул ясаш — 1-2 ой.
- Интернет — 1 ой.
- Арабча ва миллий рақс — 3 ой.

Барчаси амалиёт билан
Етоқхона мажхуд.

Манзил: Тошкент шаҳри Юнусобод тумани, 3-маъзе, 1-уй, 31-хона. Мўлжал: Юнусобод дехкон бозори орқасида.
Тел: (8 371) 221-17-95, (8 371) 221-77-72 (кундузи), (8 371) 225-97-93 18:00 дан 22:00 гача.

Филиал
Манзил: Ҳамза тумани Фарғона йўли. Кўнлик 4-уй 40-хона.
Тел: (+99897) 785-90-30 (кундузи)



Хурматли Бегмурод ака Рўзмуродов!

Сизни таваллуд кунингиз билан муборакбод этамиз. Йигирма йилки, шу тармоқда энг масъулиятли вазифада фаолият кўрсатиш билан бирга, ўзингизнинг инсоний фазилатларингиз билан обрў қозонгансиз. Ниятимиз ўз оилангиз ва кадрдон дўстларингиз бахтига ҳамisha соғу саломат, омон бўлинг.

Хурмат билан Ўзбекистон ёқилги энергетика комплекси, кимё саноати ва геология ходимлари касабаяюшмаси Марказий кенгашига Қашқадар вилоятидаги вакилиги жамоаси

Хурматли Дилмурод Эгамбердиев!

Сизни 13 январь туғилган кунингиз муносабати билан ҳам-қаблларингиз номидан самимий табриклаймиз. Умрингиз узоқ, бахтингиз бутун бўлсин!

Самимий эҳтиром билан
«Матбуот тарқатувчи» АК жамоаси



ЎЗБЕКИСТОН ЁҚИЛҒИ-ЭНЕРГЕТИКА КОМПЛЕКСИ, КИМЁ САНОАТИ ВА ГЕОЛОГИЯ ХОДИМЛАРИ КАСАБА УЮШМАСИ МАРКАЗИЙ КЕНГАШИ- НИНГ ҚАШҚАДАРЁ ВИЛОЯТИДАГИ ВАКИЛЛИГИ ЖАМОАСИ



*Ўзларининг конституциявий буғдлари ҳамда ша-
рафли йиғилик вазифаларини адо этаётган мард
ва жасур ўғлонларимизни 14 январь – Ватан
ҳимоячилари кунин байрами билан самимий му-
боракбод этади!*

*Ватанимиз мустақиллиги ва мамлакатимиз
сарҳадлари дахлсизлигини кўз қоралиндек асраб,
эл-юрт шинлиги ва осойишталигини таъмин-
лашда фидойилик намуналарини кўрсатаётган
офицер ва аскарларимизга сиҳат-саломатлик, бахт-
саодат ва омадлар ҳаминша ҳамроҳ бўлишини ти-
лаб қоламиз.*

БАЙРАМИНГИЗ МУБОРАК БЎЛСИН!

Бахтли бўлинг!



“Дилоромни онам сочи бир қиз, ўзи бир қиз деб келинликка танлаганди. Онанинг раўйига қараб, унга уйланишга қарор қилдим. Эрта баҳорда тўйимиз бўлди. Адашмаган эканман: Дилором ниҳоятда андишали, очик кўнгил, пазанда экан. Онам уни қадами кутлуг келган келиним деб суйрди. Ҳақиқатан ҳам отамнинг, менинг ишларимиз юришиб кетди. Янги иморат курдик, машина олдик. Кетма-кет тўрт фарзандли бўлдик. У нуридийдаларимизнинг тарбияси билан жиддий шуғулланиб, аёло баҳоларга ўқишига, меҳнатсевар бўлиб вояга етишишига эришди. Катта қизимизни орзу-ҳавас билан узатдик. Эндигина неварали бўлиб, давру даврон сурадиган пайти бирдан юраги хуруж қилиб қолди ва...” бизларни йиғлатиб дунёдан ўтди. Инсон яқинларига ниҳоятда меҳрибон бўлсам, жудолик азоби қийин кечаркан. Болаларим онасига ичкиб кетди, энди-энди ўзига келаяпти. Ҳозир қизим, икки ўғлим билан яшаяпман. Улар ноилоҳидан уйланишига ҳам рози. **Ёшим 51 да.** Маълумотим олий. Тижорат билан шуғулланман. 45 ёшгача бўлган, иймонли, уйим-жойим дейдиган, меҳрибон, бефарзанд ёки фарзандларидан қутулган аёл чиқса, уйланмоқчиман.

**АСҚАР,
Тошкент шаҳри”.**

“Ёлғиз қизимиз Зайнабни не-не умидлар билан узоқ қариндошимизга узатган эдик. Унинг отаси болалари ҳали эсиниям танимаган пайтда қазо қилганди. Онаси бир этак болани ёлғиз ўзи тарбиялаб, вояга етказди. Тўнғич ўғли бўлган Фарҳодни тоғаси қарамоғига олиб, сўнг 8-синфни битиргач, онасига, онасига қайтарибди. Биз бундан беҳабар эдик. Қўни-қўшиларида суриштирганимизда бу оиланинг ўғил-қизини ниҳоятда одобли, меҳнатсевар деб мақташди. Турмуш ўртоғим “Ҳа, энди, анча-мунча қийинчилик кўрган экан, укаларига бош, онасига суянчиқ бўлаётган йигит қизимизнинг қадрига етади насиб этса” деганди. Афсус, ундай бўлмади. Ука-сингиллари унга сира ўшамас экан. Куёвимизнинг юриш-туришларини кўриб, гап-сўзларини эшитиб, ё тавба, битта ота-онанинг болалари-ку, дея ёқа ушлардим. У ёлғончи, ишқмас, маишатпараст экан. Келин бўлиб тушганидан кейин Зайнабнинг ранги чиқмади. Битта қизчали бўлгач, ажрашман деб қайтиб келса бўладими. Қайнонаси йиғлаб-сиқтаб, суяги қотган болани энди йўлга солалмайман деб қолаверибди. Отаси унинг тақдирига қуяниб, юраги хасталаниб ётиб қолди. Зайнаб эса “Отам соғайиб кетса бўлди” деб яна қайтиб кетди. Иккинчи қизи туғилди. Шу орада хўжайиним қазо қилиб қолди. Бу ёқда куёвимиз яна эски одатларини бошлади. Хуллас, яшаб кетишларига кўзлари етмагач, қонуний ажрашишди. Қизимнинг **ёши 34 да.** Маълумоти ўрта-маҳсус. Икки нафар фарзанди бор. Ёшига мос, хотини вафот этган ёки тирноққа зор, иймонли, зарарли одатлардан холи, иши тайин инсон учраса, қизим қайта бахтини топса, кўнгим тинчирди.

**ХОЛНИСА хола,
Қашқадарё вилояти”.**

ТАХРИРИЯТДАН:

«Бахтли бўлинг» рукнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (маҳалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

**МУРОЖААТ УЧУН ТЕЛЕФОН:
234-25-46**

...Қоидани бузганларга ҳам жарима солинса

«Калитлар бир зумда яшаш устахонаси», «Йўл қойдаси — умр фойдаси», «Baht-global-trans-servis»...

Нега бу газета хато жумлалар ёзаяпти, деб ўйлаётгандирсиз? Ҳолбуки, саводсизларча ёзилган бундай ибораларга кўча-кўйда жуда кўп дуч келамиз, аммо бефарқ ўтиб кетаверамиз. Афсуски, бугунги кунда обод кўчалар, серкатнов жамоат транспортлари, ярқироқ рекламалар, тўкин бозорлар, ҳатто зиё масканларида ҳам имловий хатолар учраши оддий тусга кириб бораёпти...

Сўнги йилларда юртимиз янада кўркамлашди, шаҳарларимиз хуснига хусн қўшилиб, кўчаларимизнинг файзи ортоқда. Тадбиркорларга кенг имкониятлар берилган: янгидан-янги кафе, тамаддиҳона, ресторан дейимизи, фирмаю корхоналар, хусусию нодавлат ташкилотлар очилмоқда. Улар аҳоли эътиборини тортиш, рақобат майдонида ўз ўрнига эга бўлиш учун рекламага зўр бераёпти, номларини катта харфлар билан пешлаш ва таблоларга ёзиб, кўчаларга осиб қўяпти. Аммо бундай номларда миллий руҳдан кўра ажнабий оҳанглар устулик қилаётгани ажабланарли. Масалан, автобусда ўтган-кетганда кўравериб кўзим чарчаган, ҳар гал чигал йўлар билан миямни қийнаган бир пешлаш бор — «Кафе Андаро Чойхонасига хуш келибсиз». Сизда ҳам савол туғилгандир: бу ер чойхонами ёки кафе? «Андаро» сўзининг луғавий маъноси нима? Наҳотки, она тилимизнинг лексикасида шу ёки бошқа кафема-чойхоналарга муносиб ном бўла оладиган бирор бир сўз топилмаса?.. Ҳамма гап ўзбек тилининг луғавий бойлигида эмас, балки ҳафсаламизнинг бироз бўшлигида, менимча.

Кечагина бир миниавтобуснинг орқа томонидаги тўртта сўздан иборат гапга

кўзим тушди: «Йўл қойдаси — умр фойдаси»? Аслида, «қойда» эмас, «қоида», «фойда» эмас, «фойда» деб ёзиш учун «Ўзбек тилининг имло луғатини» арақлаш шарт эмас-ку! Йўловчи ташувчи «Отоуол» русумидаги автобус эшикла-

ТИЛ ЭКОЛОГИЯСИ

рига эса «Baht-global-trans-servis» битиги ёпиштириб қўйилган экан. Каттиқ «х»ми, юмшоқ «ҳ»ми, деган савол кўпчиликини қийнаши аниқ, аммо мажор



зан олиб қаралганда ҳам, бахтга етмоқ чораси «каттиқ»лигини сезишимиз осон-ку! Яна денг, шунча узун, аммо маъни-матрасиз номни тадбиркорларимиз қандай ўйлаб топилди экан-а? Ташкилот номи ҳам кўп нарсани ҳал этишини, шу боис мазмундор ва ихчам, тилга тушадиган, тез эсда қоладиган сўз танлаш лозимлигини нахотки ҳалиям билмасак?

Имловий хатоларни тўғрилаш катта қийинчилик туғдирмайди, имло луғатига бир қур назар ташлаб олинса, бас (аммо кўпчилигимизнинг шунга ҳам хушимиз келмайди). Услубий чалкашликларнинг чораси эса бироз мушкул. Тунов кунни Юнусобод деҳқон бозорида «Калитлар

Халқ тилига ҳужум унинг қалбига ҳужумдир. Г.Лаубе

бир зумда яшаш устахонаси» деган пешлашқа эътиборимни тортиди. Бозорда ҳаёт кайнайди, лекин гализ жумла ҳеч кимнинг гашига тегмайди. Балки шу ёққа йўли тушган қанчадан-қанча зиёдилар бир оғриниб ўтгандир, аммо бирови озроқ вақтини ажратиб, дўкон эгасига «шундай-шундай» дея тушуштириб қўймаган кўринади. Акс холда, бу хато вақтида тўғрилган бўлармиди? Балки «Устахона бировники бўлса, менга нима?» деб ўйлашгандир. Аммо ўзбек тили бировники эмас, ўзимизники-ку!.. Ҳойнаҳой, ўша уста ҳар бир лаҳза олтинга тенг даврда яшаётганимизни ҳисобга олиб, миждларнинг ҳолатини бир зумда чиқараман дея хизматини реклама қилмоқчи бўлгандир. Унақада «Бир зумда» калит яшаш устахонаси» деб ёзилса, ҳам дўконга аниқ ном қўйилган, ҳам услубий гализликка барҳам берилган бўлар эди (ёки оддийроқ қилиб «калит яшаш устахонаси» деб ёзиб қўя қолган маъкул). Қисқаси, аввало, ўзини, қолаверса, она тилини ҳурмат қилган тадбиркор корхона ёки фирмасига ном беришдан олдин мутахассислар билан маслаҳатлашиб олиши лозим.

...Қаранг, йўл ҳаракати қоидаларини бузган ҳайдовчини ЙПХ ходими тўхтатиб, жарима солади ёки маълум муддатга машина бошқаришдан маҳрум этади — ҳуллаас, тегишли жазосини беради. Аммо негадир она тилимизга нисбатан эътиборсизлик қилган, унинг асрий қоидаларини бузган кишилар билан ҳеч кимнинг иши йўқ. Ахир, тил — халқнинг бебаҳо мулки. Худди табиатни, қўлу дарёлар, наботот ва ҳайвонот оламини сақлаб қолишга интилганимиздек, она тилимизни ҳам авайлаб-асрашимиз, бир сўз билан айтганда, тил экологиясига риоя этишимиз зарур.

Моҳира СОЛИЕВА, ЎзМУ журналистика факультети талабаси.

УЙ СОТИБ ОЛМОҚЧИМАН

Акам билан бир ҳовлида яшаймиз. Келишувга кўра, ота уйида акам оиласи билан қолиши, биз эса кўчиб чиқишимиз зарур. Мен уй сотиб олиш учун нотариусга қандай ҳужжатларни тақдим этишим ва қанча миқдорда пул тўлашим керак.

Жавлон ЙЎЛДОШЕВ, Тошкент шаҳри.

САВОЛ-ЖАВОБ

— Давлат нотариуслари қонун ҳужжатларига биноан нотариал тасдиқлашни шарт бўлган битимларни тасдиқлайди. Уй-жой, квартира (уларнинг бир қисмини) тасаруф этиш, олиш-сотиш, айирбошлаш, ҳада қилиш тўғрисидаги шартномалар ҳам шундай битимлар сирасига киради ва улар мулк жойлашган ҳудуддаги нотариал идорада тасдиқланади. Бунинг учун дастлаб нотариус мулкнинг мулкдорга тегишлилигини текширади. Мулк ҳуқуқини тасдиқловчи ҳужжат қуйидагилардан бири бўлиши мумкин:

1. Мулк ҳуқуқини тасдиқловчи давлат далолатномаси;
2. Умрбод таъминлаш шarti билан уй-жойни бошқа шахсга бериш, олди-сотди, айирбошлаш, ҳада этиш тўғрисидаги шартнома;
3. Меросга бўлган ҳуқуқ тўғрисидаги гувоҳнома;
4. Эр-хотиннинг умумий мол-мулкидаги улушига мулк ҳуқуқни тўғрисидаги гувоҳнома;

5. Суднинг қарори, уй-жой бўлигани ҳақидаги битим, ҳокимнинг қарори, қонун ҳужжатларига зид бўлмаган бошқа ҳужжатлар ҳамда коммунал ташкилотларнинг маълумотномаси, уй-жойда, квартирада рўйхатда турувчилар ҳақида маълумотнома, кадастр, солиқ идораси ҳамда архитектура бош қурилиш бошқармаси маълумотномаси, эр ёки хотиннинг розилиги, агар квартира хусусийлаштирилган бўлса давлат мулки кўмитасидан маълумотнома.

Олди-сотди, айирбошлаш шартномаларини расмийлаштириш учун 1 кв. м. майдон учун энг кам ойлик иш ҳақининг 2% миқдориди, яқин қариндошлар ҳада шартномалари учун 1 кв. м. учун энг кам ойлик иш ҳақининг 0,5% миқдориди давлат божи ундирилади.

В.КАРИМОВА,
Чилонзор тумани 1-сонли давлат нотариал идораси нотариуси.
О.ОЧИЛОВА,
Учтепа тумани 8-сонли давлат нотариал идораси нотариуси.

СПОРТ **СПОРТ** **СПОРТ**

Фаворитларга осон эмас

Қатарда бўлиб ўтаётган футбол бўйича Осиё чемпионати аста-секинлик билан ўзининг қизгин палласига кириб бормоқда.

Хабарингиз бор, Ўзбекистон терма жамоаси мезбон жамоа — Қатарни бизлар учун қувончли натижа ҳисобиди (2:0) мағлубиятга учратди.

Бўлиб ўтаётган учрашувлар Осиё Кубоғининг нуфузи йилдан-йилга ошиб бораётганлигини кўрсатмоқда. Кучли дея эътироф этилмаган жамоалар фаворитлар билан тенгма-тенг кураш олиб боришмоқда.

Бунга мисол: Япония сўнги сониялардагина Иордания билан ҳисобни тенглаштирган бўлса, С.Арабистони шуни ҳам уддалай олмади ва Сурияга мағлуб бўлди. Жанубий Корея Бахрайни қийинчилик билан енгган бўлса, фақатгина Австралия Ҳиндистонни қийинчиликсиз мағлуб этди.

Равшан Эрматов бошқарган Эрон- Ироқ терма жамоалари ўртасидаги учрашув эса кеча бўлиб ўтди.

Месси — дунёнинг энг яхши футболчиси!

Швейцариянинг Цюрих шаҳрида «Олтин тўп» совринининг эгаси маълум бўлди. ФИФА ва Франциянинг «France Football» нашри ҳамкорлигида ташкил этиладиган маъмур сўров яқунларига кўра, 2010 йилдаги дунёнинг энг яхши футболчиси дея «Барселона» футболчиси Леонель Месси эътироф этилди. У Хави ва Иньесталарни ортда қолдирди.

Жозе Моуринью — 2010 йилнинг энг яхши мураббийи!

Цюрихда бўлиб ўтган тадбирда йилнинг энг яхши мураббийи номи аниқланди. Бундай шарафли номига «Реал» бош мураббийи Жозе Моуринью сазовор бўлди.

«Насаф» БААга учиб кетди

«Насаф» клуби расмий сайтининг хабарига кўра, бугун жамоа аъзолари дастлабки хориж йигинини ўтказиш мақсадида Бирлашган Араб Амирликларига жўнаб кетди. Икки ҳафта мобайнида Шаржада ўқув-йигини машғулотларини ўтказадиган «Насаф»чилар бир неча назорат учрашувларида қатнашишлари режалаштирилган.

Интернет манбалари асосида **Илҳом ЖУМАНОВ** тайёрлади.

2011 йил учун «Оила ва жамият» газетасининг ЭЛЕКТРОН НУСХАСИГА ҳам обуна бўлинг!

«Оила ва жамият»га тезкор усулда обуна бўлишни истасангиз, «Mahagon anime studio» масъуляти чекланган жамиятининг 311-56-33, 281-54-77 телефонларига (e-mail: info@mahagon.uz, www.citybook.uz, www.soho.uz) мурожаат қилинг!

Муассислар: Ўзбекистон Хотин-қизлар кўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро жамғармаси

Бош муҳаррир: Норқобил ЖАЛИЛОВ

Қабулхона: (тел/факс) 233-28-20
 Мухбирлар: 233-04-50
 Котибият: 237-21-82
 «Оила» бўлими: 234-25-46

MANЗИЛИМИЗ:
 Тошкент — 700000
 Амир Темура кўчаси,
 1-тор кўча, 2-уй
 Мўлжал: Олой бозори ёнида

БУНА ИНДЕКСИ — 176
 Ўзбекистон Матбуот ва ахборот агентлигида 0169-рақам билан 11.01.07да рўйхатга олинган. Буюртма Г — 132. Формати А-3, ҳажми 2 табоқ. Адади — 10833. Навбатчи муҳаррир — Фаррух ЖАББОРОВ. Саҳифаловчи — Оқил РАҲМОНОВ. Мусахҳилар — Саидғани САЙДАЛИМОВ, Мафтуна МИНГБОВЕВА

E-mail: oilavajamiyat@sarkor.uz
 Web-site: oilavajamiyat.uz
 ISSN 2010-7609
 1 2 3 4 5